



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ
ՆԱԽԱՐԱՐԻ ՏԵՂԱԿԱԼ

« »

2022 թ.

N

Ձեռք 17.03.2022

Nº 01.1/5-1/4572-2022

ՀՀ ՖԻՆԱՆՍՆԵՐԻ ՆԱԽԱՐԱՐԻ ՏԵՂԱԿԱԼ
ՊԱՐՈՆ Վ. ՀՈՎՀԱՆՆԻՍՅԱՆԻՆ

Հարգելի՛ պարոն Հովհաննիսյան,

Կից Ձեզ ենք ներկայացնում «Հայաստանի Հանրապետության և Եվրասիական զարգացման բանկի միջև Կայունացման և զարգացման եվրասիական հիմնադրամի միջոցներից «Աշխատանքի էլեկտրոնային բորսա» ծրագրի ֆինանսավորման համար դրամաշնորհի տրամադրման մասին» համաձայնագրի նախագծի ստորագրման նպատակահարմարության վերաբերյալ համապատասխան հիմնավորումը:

Առդիր՝ 5 էջ:

3/21/2022

X

ՌՈՒԲԵՆ ՍԱՐԳՍՅԱՆ

ՀԱՐԳԱՆՔՈՎ՝

Signed by: SARGSYAN RUBEN 1909770124

Ռ. ՍԱՐԳՍՅԱՆ

Մարիետա Սարգսյան
Արտաքին կապերի վարչություն
/+37410 56 37 91/+37499 941493

ՀԻՄՆԱՎՈՐՈՒՄ

ԿԱՅՈՒՆԱՑՄԱՆ ԵՎ ԶԱՐԳԱՑՄԱՆ ԵՎՐԱՍԻԱԿԱՆ ՀԻՄՆԱԴՐԱՄԻ ԿՈՂՄԻՑ ՖԻՆԱՆՍԱՎՈՐՎՈՂ «ԱՇԽԱՏԱՆՔԻ ԷԼԵԿՏՐՈՆԱՅԻՆ ԲՈՐՍԱ» ԴՐԱՄԱՇՆՈՐՀԱՅԻՆ ՀԱՄԱՁԱՅՆԱԳՐԻ ՆԱԽԱԳԾԻ ՍՏՈՐԱԳՐՄԱՆ ՆՊԱՏԱԿԱՀԱՐՄԱՐՈՒԹՅԱՆ ՎԵՐԱԲԵՐՅԱԼ

Զբաղվածության ոլորտում թիրախային և ճշգրիտ քաղաքականության մշակումը և այդ քաղաքականության իրացման արդյունքում ազգաբնակչության շրջանում կայուն զբաղվածության ապահովումը ցանկացած երկրի սոցիալական պաշտպանության ոլորտի առաջնահերթություններից է, քանի որ նշված խնդրի լուծումը, գործազրկության ցածր ցուցանիշի առկայությունը և դրա մակարդակի աստիճանական նվազեցումը խոսում է տվյալ երկրում քաղաքացիների սոցիալական վիճակի բարելավման և կենսամակարդակի բարձրացման մասին: Ժամանակակից աշխարհում այս գործընթացի կազմակերպումը և իրագործումը հնարավոր չէ պատկերացնել առանց տեղեկատվական տեխնոլոգիաների ակտիվ ներգրավման, ինչը զգալիորեն արագացնում է առկա բիզնես-գործընթացների աշխատանքը՝ այդպիսով էապես բարձրացնելով ոլորտում իրականացվող քաղաքականության արդյունավետությունը:

ՀՀ սոցիալական պաշտպանության ոլորտում զբաղվածության քաղաքականության իրացման և իրականացվող ծրագրերի հասցեականությունն ապահովելու նպատակով դեռևս 2003 թ. մշակվել և զբաղվածության թվով 51 տարածքային մարմիններում ներդրվել է ՀՀ զբաղվածության ոլորտի գործառույթներն իրականացնող (Գործ) տեղեկատվական համակարգի լոկալ տարբերակը: Տեղեկատվական տեխնոլոգիաների ընձեռած նորարարական հնարավորություններին համապատասխան՝ 2004 թ.-ին սկսվել են ՀՀ զբաղվածության ոլորտի գործառույթներն իրականացնող «Գործ» ինտերնետային տեղեկատվական համակարգի մշակման աշխատանքները, որի հիմքում դրվել էր 1997 թ. հունվարի 1-ից ուժի մեջ մտած «Բնակչության զբաղվածության մասին» Հայաստանի Հանրապետության օրենքը, ՀՀ կառավարության որոշումներով հաստատված ենթաօրենսդրական ակտեր, այլ իրավական ակտեր: 2004 թ.-ից առ այսօր տեղեկատվական համակարգում պարբերաբար իրականացվել են ծրագրային ապահովման աշխատանքներ, որոնց

շնորհիվ տեղեկատվական համակարգում մշակվել և ներդրվել են նոր գործառույթներ՝ ՀՀ զբաղվածության ոլորտի օրենսդրական կարգավորումներին համապատասխան: Այսպիսով, տեղեկատվական համակարգը առ այսօր գործել է ՀՀ սոցիալական պաշտպանության ոլորտի լոկալ ցանցում, ինչը նշանակում է, որ համակարգը հասանելի է եղել միայն զբաղվածության թվով 51 տարածքային մարմիններին: Տեղեկատվական համակարգի շահագործման նախընթաց ժամանակահատվածում այս հանգամանքը էապես սահմանափակել է համակարգի շահագործման հնարավորությունները՝ ՀՀ քաղաքացիներին զբաղվածության ոլորտում ծառայությունների հասանելիության և մատուցման առումով, մասնավորապես՝ ՀՀ քաղաքացու կողմից զբաղվածությանն առնչվող անհատական կաբինետի ձևավորում, անհատական տվյալների կառավարում, ոլորտի վերաբերյալ անհրաժեշտ տեղեկատվության, ծանուցումների ու համապատասխան ծառայությունների առցանց եղանակով ստանալու հնարավորություն: Այս խնդիրը առավել ակնհայտ դրսևորվեց 2020 թ.-ին մասնավորապես՝ COVID-19 համավարակի պայմաններում, երբ աշխատանք փնտրող, գործազուրկ քաղաքացիները, ինչպես նաև գործատուները չունեին հասանելիություն համապատասխան ծրագրային գործիքին՝ առցանց եղանակով զբաղվածության տարածքային մարմինների կողմից համապատասխան ծառայություններ ստանալու համար: Առցանց ծրագրային գործիքի մշակման անհրաժեշտության ևս մեկ նախադրյալ հանդիսացավ ԵԱՏՄ «Աշխատանք առանց սահմանների» միասնական որոնողական համակարգի մշակումը և ներդրումը, որի հետագա զարգացման պլանին համապատասխան աշխատանքներն իրականացնելու համար ճկուն և համապարփակ ազգային բաղադրիչի առկայությունը ժամանակի հրամայական է: Խնդիրը բազմիցս քննարկվել է ՀՀ նախկին փոխվարչապետ Տ. Ավինյանի մոտ, և վերջինիս կողմից ևս կարևորվել է զբաղվածության ոլորտը կարգավորող համապատասխան հարթակի և տվյալների շտեմարանի ստեղծումը, որը մշակված կլինի նորագույն տեխնոլոգիաներով և կստեղծի ամուր հիմք զբաղվածության ոլորտում նորարարությունների ներմուծման և ոլորտի շարունակական կարգավորման համար:

Այսպիսով, Աշխատանքի էլեկտրոնային բորսայի նախագծման, մշակման և ներդրման անհրաժեշտությունը պայմանավորված է մի շարք հանգամանքներով, այդ

թվում՝ **բովանդակային, տեխնիկական և ինտեգրացիոն**, որոնք թույլ կտան լուծել ներկայումս առկա մի շարք խնդիրներ, բավարարել ՀՀ զբաղվածության ոլորտին առաջադրվող մի շարք պահանջների:

Բովանդակային առումով Աշխատանքի էլեկտրոնային բորսայի նախագծման, մշակման և ներդրման անհրաժեշտությունը բխում է ՀՀ կառավարության՝ 19.06.2017 թ. թիվ 646 որոշմամբ հաստատված 2017-2022 թթ. միջոցառումների ծրագրից: Այս համատեքստում Աշխատանքի էլեկտրոնային բորսայի առկայությունը հնարավորություն կտա առավել ընդլայնել աշխատանք փնտրողների, գործազուրկների և գործատուների փոխհաղորդակցման հնարավորությունները զբաղվածության ոլորտում, վերջիններիս թույլ կտա լիարժեք ներգրավված լինել ոլորտի նորարարություններին և իրականացվող ծրագրերին՝ այդպիսով նպաստելով գործազրկության մակարդակի նվազեցմանը:

Տեխնիկական տեսանկյունից Աշխատանքի էլեկտրոնային բորսայի նախագծման, մշակման և ներդրման անհրաժեշտությունը բխում է ժամանակակից աշխարհում տեղեկատվական տեխնոլոգիաների պարտադրած կանոններից և պահանջներից: Ներկայումս ՀՀ զբաղվածության ոլորտում շահագործվող «Գործ» տեղեկատվական համակարգը նախագծվել և մշակվել է դեռևս 2004 թ. ակտուալ տեխնոլոգիաներով: Նախընթաց ժամանակահատվածում տեղեկատվական տեխնոլոգիաների ոլորտը զարգացում է ապրել երկրաչափական պրոգրեսիայով՝ բիզնես-գործընթացների ավտոմատացման պրակտիկայում գործածության մեջ դնելով նոր, ավելի ճկուն և լայն հնարավորություններ ընձեռող լուծումներ, միաժամանակ գործածությունից դուրս մղելով արդեն հնացած տեխնոլոգիաները: Նման պայմաններում ՀՀ զբաղվածության ոլորտում շահագործվող «Գործ» տեղեկատվական համակարգի հիմքում դրված տեխնիկական մասնագրերը առավել քան հնացած են և զգալիորեն սահմանափակում են բիզնես-գործընթացների ավտոմատացման հնարավորությունների շրջանակը՝ այդպիսով ՀՀ զբաղվածության ոլորտը տեխնոլոգիական առումով հետ շարժվելով միջինում 10 տարի: Տեղեկատվական տեխնոլոգիաների ոլորտում սա անհավանական և անթույլատրելի բացթողում է:

Ինտեգրացիոն զարգացումների համատեքստում Աշխատանքի էլեկտրոնային բորսայի նախագծման, մշակման և ներդրման անհրաժեշտությունը բխում է այն

միջպետական գործընթացներից, որոնցում ներառված է Հայաստանի Հանրապետությունը: Այդ գործընթացները թելադրում են բովանդակային և տեխնիկական առումով լինել պատրաստ և ինտեգրվել ձևավորվող տարածաժամանակային իրողություններին: Մասնավորապես՝ ԱՊՀ երկրների միասնական աշխատաշուկայի ձևավորման հայեցակարգի շրջանակներում Աշխատանքի էլեկտրոնային բորսայի առկայությունը այն նախադրուհի է, որն ապահովելու է նշված աշխատաշուկայի ձևավորման հնարավորությունը: Աշխատանքի էլեկտրոնային բորսայի առկայությունն անհրաժեշտ է նաև Եվրասիական տնտեսական միության ինտեգրացիոն գործընթացներում լիարժեք ներգրավվելու և միասնական աշխատաշուկայի ձևավորման աշխատանքներին որպես լիարժեք անդամ մասնակից դառնալու համատեքստում:

Այսպիսով՝ Աշխատանքի էլեկտրոնային բորսայի նախագծումը, մշակումը և ներդրումը կապահովի հետևյալ հիմնական արդյունքները՝

- Առցանց ծառայությունների մատուցում ՀՀ քաղաքացիներին և գործատուներին՝ անհատական կաբինետի համապարփակ գործիքակազմի ապահովմամբ,

- Հանրության շրջանում իրազեկման մակարդակի բարձրացում,

- Բիզնես-գործընթացների թափանցիկության, արդյունավետության և հասցեականության բարձրացում,

- Հաշվետվողականության հնարավորությունների ընդլայնում՝ վերլուծությունների և վիճակագրական նյութերի ձևավորման մոդուլի կիրառմամբ,

- Տեխնոլոգիական իրավիճակի բարելավում, նորարարական տեխնոլոգիաների կիրառում,

- Ինտեգրելիության ապահովում՝ տվյալների փոխանակման մոդուլի կիրառմամբ

Ելնելով վերոգրյալից՝ «Աշխատանքի էլեկտրոնային բորսա» դրամաշնորհային Համաձայնագրի հաստատումը կամ վավերացումը համարվում է նպատակահարմար: